

## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm Septembribis Et Octobris

**Surius, Laurentius**

**Coloniae Agrippinae, 1576-**

**VD16 S 10262**

De SS. Nemesiano, Felice, Lucio, Litteo, Poliano, Victore, Iadere, Datiuo,  
&c. episcopis & martyribus.

---

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

è quibus minor natu, intolerabili sitis ardore vexata, cum lachymis id indicat soro-  
ri, vt solet ætas puerilis. Illa verò dolens vicem eius, dicit eam ad puteum S. Audi-  
mari, qui in eius crypta est, altitudine pedum sexaginta. Sed cùm restis decesset, qua  
hauriret aquam, puella tandiū siti cruciata, hærebat ad os putei, seque genibus vo-  
luntans, suave ducebat vel vidisse diū concupitam aquam. Interim præcepit ruit in pu-  
teum. Id cernens eius soror, magno clamore & eiulatu totum populi cœtū eō per-  
trahit. Inquirunt omnes, quæ tantarum sit causa lachrymarum. Responder illa: Huc  
ego accessi cum sorore mea & matre. At soror siti æstuans, malecauta in medias la-  
bitur aquas, & nunc sitibunda mortem babit sub aquis. Tractant inter se omnes, qua-  
possint ratione cadauer extrahere è puto, & mandare sepulturæ. Immittitur restis, In signi mi-  
eaque puer illigatur, qui è profundo educat puellam, & puto à cadaueris futura  
putredine seruet, quem beati Audomari præclara virtus sanctificet. Sed cùm fons  
ille morbis omnibus salutarem adferret medicinam, nullis fôrdibus inquinari potu-  
it. Denique inuenta est puella viua instar anseris natare super aquas. Eam puer secum  
attulit, capillis quidem eius prorsus ab aqua intactis, sed limbis vestis nonnihil ma-  
defactis. Tanto igitur miraculo conspecto, summan & sacrosanctam Trinitatem in  
beati Audomari meritis plebs vniuersa benedixit.

Hac nos pauca ex innumeris sanctissimi Audomari miraculis & virtutibus con-  
scripsimus, qui sanè etiam præcipuis sanctis æquiparandus videtur pietate, signis, vir-  
tutibus & meritis. Ad eius tumulum cunctis ritè venerandum omnis generis salu-  
ris medicina exhibetur: cæcis lumen, surdis auditus, mutis loquendi facultas restitu-  
itur, nerui contracti laxantur, dæmones pelluntur, ad laudem & gloriam omnium  
Creatoris & Redemptoris Domini nostri Iesu Christi: cui est cum æterno patre & spi-  
ritu sancto æqualis honor & eadem gloria per immortalia secula seculorum, Amen.

## DE SANCTIS EPISCOPIS ET MARTYRIBVS.

NEMESIANO, FELICE, LVCIO, ITEM ALTE-  
ro Felice, Litteo, Poliano, Victore, Iadere, Datiuo &c. Epistola 77.

beati Cypriani Episcopi Carthaginensis: vel, vt alij ha-  
bent, libri tertij Epistola 25.

Cyprianus Nemesiano, Felici, Lucio, alteri Felici, Litteo, Poliano, Victori, Ia-  
deri, Datiuo coëscopis: itè compresbyteris & Diaconibus, & cæteris fra-  
tribus in metallo constitutis, Martyribus Dei patris omnipotëtis, & Iesu Chri-  
sti Domini & Dei conservatoris nostri, æternam salutem.

LORIA quidē vestra poscebat, beatissimi ac dilectissi-  
mi fratres, vt ad conspectum atque ad complexum vestrū  
venire ipse deberem, nisi me quoquè ob confessionem  
dominis relegatū, præfiniti loci termini coërcerent. Sed exul pro-  
nuomodo possum, repræsento me vobis, & ad vos, eti-  
amsi corpore & gressu venire nō datur, dilectione tamen  
& spiritu venio, exprimens literis animum meum, quo in  
suis virtutibus & laudibus vestris latus exulto, participē  
me computans vobis, etsi non passione corporis, con-  
sortio charitatis. An ego possim racere, & vocem meam  
silento premere, cùm de charissimis meis tam multa &  
gloriosa cognoscam, quibus vos diuina dignatio honorauit: vt ex vobis pars iam  
martyrij sui consummatione præcesserit, meritorum suorum coronam de Domi-  
no receptura: pars adhuc in carcerum claustris, siue in metallis & vinculis de-  
moretur, exhibens per ipsas suppliciorum moras corroborandis fratribus & ar-  
mandis maiora documenta: ad meritorum titulos ampliores tormentorum tar-  
ditate proficiens, habitura tot mercedes in cælestibus præmijs, quot nūc dies nume-  
rantur in pœnis: Quæ quidem vobis, fortissimi ac beatissimi fratres, pro merito re-  
ligionis ac fidei vestræ accidisse non miror, vt vos sic Dominus ad gloriarum subli- Nota qui  
lime fastigium clarificationis suæ honore prouexerit, qui semper in Ecclesia eius mores pro-  
custodito fidei tenore viguisse, conseruantes firmiter Dominica mandata, in uehant ad  
simplicitate innocentiam, in charitate concordiam, modestiam in humilitate, gloriam,  
dili-

diligentiam in administratione, vigiliam in adiuuandis laborantibus, misericordiam in fouendis pauperibus, in defendenda veritate constantiam, in disciplina seueritate censuram.

Ac nè aliquid ad exemplum bonorum factorum deesset in vobis, etiam nunc in confessione vocis & passione corporis fratrum mentes ad diuina martyria prouocatis, duces vos exhibendo virtutis: vt dum grec pastores suos sequitur, & quod fieri à p̄xpositis cernit, imitatur, paribus obsequiorum meritis à Domino coronetur.

Quòd autem fustibus casi prius grauiter & afflitti, per eiusmodi poenas initiaſtis confessionis vestra religiosa primordia, execranda nobis ista res non est. Neque enim ad fustes Christianum corpus expauit, cuius est spes omnis in ligno. Sacramentum salutis suæ Christi seruus agnouit: redemptus ligno ad vitam æternam, ligno prouectus est ad coronam. Quid verò mirum, si vasa aurea & argentea in metallum, id est, aurum & argenti domicilium dati estis, nisi quòd nunc metallorum natura conuersa est, locaque, qua aurum & argentum dare ante consueuerant, accipere cōperunt? Imposuerunt quoquè compedes pedibus vestris, & membra felicia ac Dei tempa infamibus vinculis ligauerunt: quas cum corpore ligetur & spiritus, aut aurum vestrum ferri contagione maculetur. Dicatis Deo hominibus, & fidem suam religiosa virtute teſtantibus, ornamenta sunt ista, non vincula: nec Christianorū pedes ad infamiam copulant, sed clarificant ad coronam. O pedes feliciter vinciti, qui non à fabro, sed à Domino resoluuntur. O pedes feliciter vinciti, qui itinere salutari ad paradisum diriguntur. O pedes in seculo ad præsens ligati, vt sint semper apti Dominum liberi. O pedes compedibus & transuersarijs interim cunctabundi, sed celeriter ad Christum glorioſo itinere cursuri. Quantum vult hic vel inuida crudelitas, vel maligna, nexibus vos suis & vinculis teneat: citò à terris & poenis istis ad calorum regna venientis. Non fouetur in metallis lecto & culcitrīs corpus, sed refrigerio & solatio Christi fouetur. Humi iacent fessa laboribus viscera: sed poena non est, cum Christo iacere. Squalent sine balneis membra, situ & forde deformia: sed spiritualiter intus abluitur, quod foris carnaliter fordidatur. Panis illic exiguus: at nō in solo pane viuit homo, sed in sermone Dei. Vestis algentibus deest: sed qui Christum induit, & vestitus abundanter & cultus est. Semitonisi capitī capillus horrescit: sed cūm sit caput viri Christus, qualecumque illud caput deceat necesse est, quod ob Domini nomen insigne est. Omnis ista deformitas, derestabilis & tetra gentilibus, quali splendore pensabitur? Secularis hæc & brœuis poena, quam clari & æterni honoris mercede mutabitur, cūm secundūm beati Apostoli vocem, transformauerit Dominus corpus humilitatis nostræ, conformatum corpori claritatis suæ?

Sed nec in illo, fratres dilectissimi, aliquis potest aut religionis, aut fidei iactura sentiri, quòd illic nunc sacerdotibus Dei facultas non datur offerendi & celebrandi sacrificia diuina. Celebratis, immò offertis sacrificium Deo & preciosum pariter & gloriosum, & plurimum vobis ad retributionem præmiorum cælestium profuturū, cūm scriptura diuina loquatur & dicat: Sacrificium Deo spiritus contribulatus, cor contritum & humiliatum Deus non despicit. Hoc vos sacrificium Deo offertis, hoc sacrificiū sine intermissione die ac nocte celebratis, hostiæ facti Deo, & vosmetipſos sanctas atque immaculatas victimas exhibentes, sicut Apostolus adhortatur & dicit: Oro ergò vos fratres per misericordiam Dei, vt constituatis corpora vestra hostiam viuam, sanctam, placentem Deo: nec configuremini seculo huic, sed transformamini in renouatione sensus, ad probandum que sit voluntas Dei bona, & placens, & perfecta. Hoc est enim, quod præcipue Deo placeat: hoc est, in quo maioribus meritis ad promerendam voluntatem Dei, opera nostra protinian: hoc est, quod solum Domino de beneficis eius grandibus & salutaribus fidei ac deuotionis nostræ obsequia retribuant, prædicante in Psalmis & contestante Spiritu sancto: Quid retribuā, inquit, Domino pro omnibus, qua tribuit mihi? Calicem salutaris accipiam, & nō men Domini inuocabo. Preciosa in conspectu Domini mors iustorum eius. Quis nō libenter & prompte calicem salutis accipiat? quis non appetat gaudibundus & laetus, in quo aliquid & ipse Domino suo retribuat? quis non preciosam in conspectu Domini morte fortiter & constanter excipiat, placiturus eius oculis, qui nos in congressione nominis sui desuper spectans, volentes cōprobat, adiuuat dimicantes, vincentes coronat, retributione bonitatis ac pietatis paternæ remunerans in nobis, quicquid ipse præstis, & honorans quod ipse perfecit? Ipsius enim esse, quòd vimimus,

Sancti martyres fustibus casi.

2.Tim.2.  
Damnati  
ad metallū.  
Vincti cō-  
pedibus.

Deut.8.

2.Cor.11.

Philip.3.

Nota de  
Misericordia  
sacrificiō.

Psal.50.

Rom.12.

Merita opere  
rum.

Psal.115.

DE SS. MENODORA, METRODORA, ET NYMPHODORA. 181

cimus, & quod ad maximi certaminis palmam subacto aduersario peruenimus, declarat & docet Dominus, in Euangelio suo dicens: Cum autem vos tradiderint, nolite cogitare quomodo aut quid loquamini. Dabitur enim vobis in illa hora quid loquamini. Non enim vos estis, qui loquimini, sed spiritus patris vestri, qui loquitur in vobis. & iterum: Ponite in cordibus vestris non præmeditari excusare. Ego enim dabo vobis os & sapientiam, cui non poterunt resistere aduersarij vestri. In quo quidem & credentium magna fidutia est, & culpa grauissima perfidorum, non credere ei, qui se opem suam daturum confitentibus pollicetur: nec rursus eundem timere, qui æternam pœnam negantibus comminatur.

Quæ vos omnia, fortissimi ac fidelissimi milites Christi, insinuatis fratribus nostris, implentes factis, quod verbis ante docuistis, futuri maximi in regno cælorum, pollicente Domino. & dicente: Qui fecerit, & sic docuerit, maximus vocabitur in Matth. 5. regno cælorum. Denique exemplum velitrū secuta multiplex plebis portio, confessæ est vobiscū pariter, & pariter coronata est: cōnixa vobis vinculo fortissima charitatis, & à præpositis suis nec carcere, nec metallo separata. Cuius numero nec virgines de sunt, quibus ad sexagenariū fructum centenus accessit, quasque ad cælestē coronam gloria geminata prouexit. In pueris quoquæ virtus maior ætate, annos suos confessio- Multi mar- tyres pro- misici fe- xūs & æta- nis laude transcendit, ut martyrij vestri beatū gregem & sexus & ætas omnis ornaret. Qui nunc vobis, dilectissimi fratres, conscientiæ vietricis vigor? quæ sublimitas animi? quæ in sensu exultantia? qui triumphus in pectori? vnumquenque vestrum stare ad promissum Dei præmium? de iudicij die esse securum? ambulare in metallo, captiuo quidem corpore, sed corde regnante scire Christum secum esse presentem, gauden- tem tolerantia seruorum suorum, per vestigia & vias suas ad regna æterna gradien- tium? Expectatis quotidiè læti profectio-nes vestrae salutarem diem, & iam iamque de seculo recessuri, ad martyrum munera & domicilia diuina properatis: post has mun- di tenebras visuri cædidiſſimam lucem, & accepturi maiorem passionibus omnibus & conflictionibus claritatem, Apostolo contestante & dicente: Non sunt condignæ R. Rom. 8. passiones huius temporis ad superuenturam clāritatem, quæ reuelabitur in nobis. Planè quia nunc vobis in precibus efficacior sermo est, & ad impetrandum quod in pressuris petitur, facilior oratio est: Petite impensiūs & rogate, ut confessionē omni- um nostrū dignatio diuina consummet, ut de ipsis tenebris & laqueis mundi nos Tenebrae & laquei huius mundi. quoquæ vobiscū integros & glorioſos Deus liberet: ut qui hic charitatis & pacis vinculo copulati, contra hæreticorum iniurias & pressuras gētilium simul stetimus, Nota, pariter in regnis cælestibus gaudeamus. Opto vos, beatissimi ac dilectissimi fratres, in Domino benè valere, & nostrī semper & vbiq[ue] meminisse. Valete.

MARTYRIVM SANCTARVM VIRGINVM,  
MENODORAE, METRODORAE, ET NYMPHO-  
doræ, authore Simeone Metaphraſte.



EC mulieribus quidem, nec puellis clausum est stadium  
martyrij: sed & ea mortem cōtemnunt, & deceſsum ha- 10 Septem-  
bent proludo: immò verò ipsum honorant & ample- Cap. I.  
ctuntur, ex eo pulchras sibi merces comparantes, nempe  
regnum cælorū. Propterea admirabilis quoquæ trinitas Sanctæ vir-  
martyrum, & virginum, Menodora, inquam, & Nympho- gines Me-  
dora & Metrodora, quæ verè erant dona virginitatis, Nympho-  
prompto & alaci animo ad hoc venerunt, & cum vo- dora & Me-  
luptate mortem suscepserunt fortissimè, non quæ ad in- trodora.  
feros deducit, ut mors solet impiorum: sed ad æternos  
thalamos & sacros porticus, & ad ipsum iucūdum spon-  
sum Christum transmittrit alacriter.

Arque modeſtè quidem & liberaliter fuerunt educatæ in Bithynia, (ea enim tan- Cap. 2.  
quæ generofos aliquot ramos has tulit virgines) & eas circuolârunt gratia vir-  
ginitatis: ſimul autem exortus est etiam flos in vultu, & rubor in genis. Nam & iucun-  
diſſimum exhibebant ſpectaculum, & per ſpeciem corporis animæ nobilitas ſenſim  
in eis relucebat: & erant pulchræ citra curiositatē. Paulatim autem eis excurrebat  
ætas, & amantes virginitatem, fugiebant hominum conuetudinem, & desiderabant fugiūt ho-  
minū con- fuetudinē. Q solitu-